


卷首	序文 目錄
卷一	修志人員姓名 像影 凡例
卷二	天文志
卷三	輿地志一
卷四	輿地志二
卷四	輿地志三

重修信陽縣志 董錫賡署

民國二十五年十二月出版

# 重修信陽縣志

薛繼逢題



序

郡邑之有志始於魏晉而盛於前明其體例則略備於有清章氏實齋之說章氏之言曰凡欲經紀一方之文獻必立三家之學做紀傳正史之體而作志做律令典例之體而作掌故做文藝文苑之體而作文徵三書相輔闕一不可明史學也又曰志爲史裁全書自有體例志中文字俱關史法則全書中之命詞措字亦必有規矩準繩不可忽也蓋作志之難如此信陽爲河南大邑向稱人文淵藪其縣志自南宋至於前清乾隆十四年踵修蓋已七次迄今百八十餘年未經續修比者省府迭令各縣修志前任邱周兩縣長敦聘陳雨人先生主持其事以二十二年夏開館至本年夏脫藁通計八十餘萬言爲卷三十有一其蒐探也富其選擇也審其考核也精其評隲也當義例謹嚴條理明晰殆恪守章氏師法可以爲國史取裁且志中各門於天文依據晷度地方時於地輿特詳山脈河流地質於建設增輯勳封水利閩營於食貨考究明清制度原委於教育追溯國學鄉學於職官補叙衛制於人物纂入列女不獨節烈於藝文規仿班書分部標目後復舉各門所不收者編爲大事記以存地方事實是皆足爲前志補其闕漏糾其謬誤不獨民政實業教育交通各項新政紀載詳明

重修信陽縣志卷首

方序

一

兵事一門之考見歷朝變故也信乎兼通三家之學具有史法者矣宰斯土者仰鑒成憲俯察民情據以爲因革損益之本得所藉手所裨豈淺鮮也哉志成將付剞劂敬識數語於此覽者其將有感於斯編民國二十三年八月信陽縣縣長南陽方廷漢

序

從千百年後上溯一國一邑千百年前之典章文物政治風俗以爲改良進化之資藉非詳稽往籍求之文字不爲功信陽地據荆河之交在淮西爲大邑於風土有申伯柔惠且直之遺教焉於政治有夏侯陳鄭姚范魏甯之成績焉於山川有天目賢首龍潭雞公長淮清澗之名勝焉於關塞有冥阨直轅大隧之險隘焉於武功有蔡蕭岳孟之遺迹焉於文章有大復大理師竹邃谷之鉅製焉於人物有傅氏父子孟氏兄弟朱氏祖孫何孫王馬戴李劉錢張董之先哲焉赫赫濯濯有光典冊向嘗縱論吾豫都邑博考載籍心嚮往之而以未得一履其地爲憾本年秋奉檄此邦適邑紳重修縣志藁脫付印告成有日陳雨人先生出稿本屬與審定并爲之序披覽一過感慨係之吾豫郡縣志乘大約皆截止於雍乾間迄今各疏闕二百年矣前省府曾通飭各縣續修而歲月既湮采訪殊難玉步代更文教衰落操鉛槧者幾苦無下手處如隨安所經洛陽滑縣夏邑等縣率同此病今觀於茲編收拾遺忘修補殘缺正體例辨綱目詳故實明典要其取材也博其選詞也雅其陳義也正其持論也稿新舊因革各還其故利弊源流詳抒所見而於一代治亂之究竟人民休戚之狀況俗習良窳

重修信陽縣志卷首

謝序

一

之由來無不開卷得其大概誠使官斯土者人手一編按籍考詢以之興利除害循虛課實不難若第以此徵文考獻抑末矣隨安愧弗能文姑贅數語於此以見文章與政事相爲表裏深盼後來地方賢俊與宦游此土者交相勗勉毋負作此志者之苦心則幸甚矣是爲序

中華民國二十五年九月

淮陽謝隨安

序

方志者國史之流所以保存文獻藉驗地方治亂興衰與其時政教之得失文野也鄉縣雖小有城府官師之守焉有兵刑禮樂之制焉有食貨版圖之司焉舉所表著而籍記之上以備國史要刪秉國鈞者因據而采風布政課吏治振人文厚民生裕國計均於是乎在所謂文章政事相爲表裏也吾縣之有志始於宋鄔德麟關良臣之圖經而成化萬曆中纂修者三清順治康熙乾隆中續修者亦三現存者獨乾隆志耳雖視前志較爲明備然揆以會稽章氏體例猶未盡合且徵之故事缺而不完者實多迄今又百八十餘年矣民國初年蔡竹賢陳一軒曹小軒周廉臣諸先生嘗兩次開館從事徵采均以事變中止甚矣一代著述之未易言也屬省府有重修縣志之通令先後縣長邱周方諸公諄囑主持其事自念學殖久荒何能爲役顧以事關繼絕桑梓義務誼未可辭因與溫伯次義廉澣宣三怡軒友珣遂真少浦諸君子悉心商榷廣續采輯虞志事之缺漏也故取材不厭其多慮志文之繁冗也故叙次務求其約宗旨在勸善故細大有時兼收論議在採時故新舊兩存其是事之支蔓者從其類而總括之人之就湮者隨所見而錄存之義例所歸師法斯在計分志十二記一目

重修信陽縣志卷首

陳序

一

一百七十子目一百九十五都爲三十一卷雖不敢語於文章之業要其體明用具綱舉目張苟得上之人賜之省覽詳按古今沿革之陳迹深求庶政理亂之本原或者於國家於地方不無小補也然則是志也卽作吾縣民庶芻蕘之獻可也抑又言之自清乾隆己巳至今百八十餘年民國居九之一論年代則久暫懸殊論事實則多寡異數政體不同制度各別編列既判門塗陳義當分賓主今一依遷史之法各正其名各完其體自古遞今由分見合要使覽者有異代之觀動鄉土之愛其亦或司馬遺意也與至全書編次各具源委則有本志之凡例在茲不贅及

民國二十三年八月 日

邑人陳善同謹序



縣地方之收入支出  
民國二十二年國十三年前縣地方款之收入支出表  
附稅地方總額全年支出  
民國二十二年國十三年前縣地方款之收入支出表  
附丁地正

卷十二 食貨志三

物產  
穀 蔬 果 木 花 草 藥 禽 獸  
鱗 介 蟲 貨 礦 一另詳建設門

卷十三 教育志一

國學 鄉學 書院  
附義學 社學 官田附學 勸學所 教育局 教育會  
縣視學 圖書館 閱報社 講演社 學務委員 汝陽道教育會

卷十四 教育志二

省立各學校表 信陽縣停改各學校表 信陽全縣現存各級學校一覽總表 信陽縣分區現存各級學校校名校址校歷校生一覽表

卷十五 教育志三

教育產款  
舊東西學學田項下 舊書院學田項下 舊稅捐項下 民國以來收沒田畝數糧額統計表  
教育局經營縣立學校學田畝數糧額統計表

民國十三年以前教育經費開支各項一覽表

重修信陽縣志卷首

目錄

二

民國二十二年度教育經費收入一覽表

民國二十二年度教育經費支出一覽表

卷十六 禮俗志一

文廟  
崇聖祠 鄉賢祠 名宦祠 武廟  
關 岳 文昌廟 先農壇  
耕 籍 社稷壇 風雲雷雨  
山川城隍壇 龍神廟 八蜡祠 厲壇 旗纛廟 忠義祠 節孝祠 祈禱 迎春 鐸教 鄉飲 賓興 入學 慶賀 志哀 紀念日 祀孔日 孔誕日 祀關岳日 五節日及休息例日

卷十七 禮俗志二

冠禮 婚禮 喪禮 祭禮 歲時節物 民國禮制草案 宗教  
佛教 道教 耶穌教 天主教 習用語 歌謠 名物稱謂

卷十八 兵事志一

有清以前兵事 民國兵事

卷十九 兵事志二

綠營 衛所 軍屯 民寨 民兵 警備隊 巡緝隊 武裝警察隊

卷二十 職官志一

職官 州刺史 元以前之郡太守知軍知州縣古雜職按察分司教授南汝光道豫南  
長 訓導 奉祀官 州判 吏目 管獄員 信陽協營各官 道標中軍所長 警察官局  
有 公安局長 警佐 信陽衛各官 信陽協營各官 道標中軍所長 警察官局  
職官沿革總表

卷二十一 職官志二

官績傳

卷二十二 登庸志一

科甲表一 科甲表二 特典表 貢監表 武科表

卷二十三 登庸志二

薦舉表 考職表 捐職表 保獎表 武職表

卷二十四 登庸志三

民國考職表 民國特簡薦各文官表 民國武官表 議員表

專門以上學校畢業人員表

卷二十五 人物志一

忠義 孝行 政事 耆德 文學 武功 流寓

義母 孝婦 烈女 節婦

卷二十六 人物志二

重修信陽縣志卷首

目錄

三

政事 德行 忠孝友 善良

文學 武功 耆壽 藝術 流寓 方外

卷二十七 人物志三

列女 節孝 未婚節婦 孝女 貞烈 賢慧 孝婦 義婦  
烈女 貞女 孝女 義女 才女 女壽

列女傳

卷二十八 藝文志一

藝文 經類 史類 子類  
集類 附別錄

卷二十九 藝文志二

文徵內篇二

卷三十 藝文志三

文徵外篇二

卷三十一 大事記

一 黨事 中國國民黨信陽  
黨史 癸丑黨獄

二 交涉 雞公山外人租地交涉案 天主堂侵佔北關城濠交涉案  
天主堂教徒奚潤身購買北關鎮中山大街民房交涉案

三 災變 戊戌平糶 庚子拳禍 陽城鐵路罷工風潮 十四年陝軍守城之役  
十八年共黨襲攻信陽城關車站之情形 嘉道以後各種災異

附雜錄

明成化初修志人員姓名

知縣監修失考 邑人同修失考

明成化十八年修志人員姓名

知州江貴監修 邑人同修失考

明萬曆四十三年修志人員姓名

知州楊若梓監修 邑人何洛文劉尙樸同修

清順治十七年修志人員姓名

知州賈待旌監修 邑人劉蓀芳羅應選何繼桂張如芹劉夢興戴玘何

慶增劉一鶴黃墀王星室劉緒芳劉彥芳劉楫同修

清康熙二十九年修志人員姓名

知州陳昌言監修 邑人王補之張宰同修

清乾隆十四年修志人員姓名

知州張鉞監修 邑人萬侯郭際雍張大成鍾璣李揚發李亦復袁淳崔

師灝危映辰萬遴王章同修

民國初兩次籌備修志人員姓名

邑人陳恕修軒一曹泰占軒筱席重光子謙艾祥清子光劉子榮號珊周原瑞字連岑王銓

重修信陽縣志卷首

修志人員姓名

一

基選青王熙春泳劉海涵軒怡蔡和林賢竹馬柄詩丞楓雷國璋我卿萬紹章子明潘

岱鍾魯青周綿瑞少溥

本屆重修信陽縣志人員姓名

縣長方廷漢甫珍 監修 縣長謝隨安 監修

編輯之部

邑人陳善同人雨 薛繼逢伯溫 姚壽仁琦友 董錫賡義次 劉景向真遠 萬紹章明子 劉海

涵李聯琦韓慕 陳其訓琴味 王熙春泳

測繪之部

邑人易樹滋三宜 陝西姚徵庸初昇 泌陽曲冠三

事務之部

邑人龍敏修許濂 歐陽壽延生樾 黎彥德琴文 周世緒如秩 方德明清漢 王維漢彩耀 安

徽項冀英

採訪之部

邑人周原瑞岑運 劉開泗溪魯 黃鯤年滄濟 雷國璋卿我 杜紹甫安紀 陳善禕九佩 張之

渠元季 周綿瑞溥少 嚴景忠橋星 王之緒源心 嚴家琦之培 陳善祐之延 蘇彝霖濃雨

陳琮訓酥潤 杜乃熙翹嵩 嚴家瑛生泗 陳善彰九迎 熊兆岐邪繪 郭之幹甫公 柴立

節甫廉 黃覺民醒 黃錫綬青秩 梁尊榮橋星 王元基乾仰 尹守嗣之續 丁紹芝卿漢 王

錫瓚衛玉 周純瑞錫天 陳錫元 張蔭九 沈禮卿 余龍門 胡慶雲軒南 路恩區一

重修信陽縣志卷首

修志人員姓名

霖區二 陳益恆區三 陳治宣區四 豁心一區五 伍季鼎區六 吳少華區七 沈贊五區八

李華清區九 張嵩山

繕寫之部

邑人王宏之 郭嗣香 劉公衡

王 耀 彰  
歐 陽 懋 生  
劉 公 衡  
陳 希 元  
郭 嗣 香  
陳 延 祉  
路 雨 蒼  
王 宏 之  
方 漢 清  
劉 魯 溪  
周 秩 如

薛 溫 伯  
萬 子 銘  
陳 潤 酥  
董 次 義  
黃 潛 滄  
姚 昇 初  
方 珍 甫  
陳 雨 人  
嚴 培 芝  
丁 漢 卿  
姚 友 珣  
杜 嵩 翹  
易 宣 三  
劉 遂 真



重修信陽縣志凡例

(一) 信陽在元以前無志宋信陽教授鄧德麟著信陽舊圖經知軍關良臣至明成化初始有縣志成化十一年前宰信陽縣者劉宣田峻王十八年知州江貴始修信陽州志二卷見明史藝文志是為兩成化志萬曆四十三年知州楊若梓因何啓圖宗伯未經銓次之稿本與劉太卿參政商訂重修是為萬曆志清順治十七年知州賈待旌康熙二十九年知州陳昌言乾隆十二年知州張鉞又三次續修楊序稱兩成化志詞不足以行遠於目前遷改多所未協而自稱其志類以次分事以類著義例井然不復不漫劉太卿序亦謂考核精評鷺肖累黍之度毫釐不可損益宜其可以垂諸久遠然張序第稱州志輯於賈越三十年而再續於陳是則乾隆中修志時於明前諸志均不及見乾隆志中所稱舊志則指順治志所稱續志則指康熙志其明代三志蓋經闖獻大亂失傳久矣今距乾隆又一百八十三年中間屢經兵燹官署檔案私家載籍大都化作灰燼所有政制之蛻化文獻之廢興民風之遞嬗陵谷之變遷時過迹熄徵采殊難率無所資藉以為纂述事雖仍舊義同造端闕者完之漏者補之誤者正之略者詳之彙次事實標明綱目要以存已往之陳迹資將來之觀感而已

重修信陽縣志卷首

凡例

一

(二) 乾隆志分天文輿地建置食貨典禮官師選舉人物藝文九門政治日新人事益曠以今衡古繁簡異宜本志增訂為天文輿地建設民政食貨教育禮俗兵事職官登庸人物藝文十二門其事雜而要為各門所不能收者特立大事記一卷並以雜錄附之以存其事者存其時存其人也

(三) 信陽於明初移回舊治特設信陽衛以守之並設左右前後中五所及鎮撫司置指揮使同知僉事千戶百戶鎮撫總旗小旗等唯備其制直至清雍正二年而後盡廢明成化中置信陽王弘治中改置義陽王就國食封傳襲五代亦直至明亡而後廢乾隆志於此榮榮大端置之不錄非細故也而建置門不詳封建水利儒學條不及生貢額制閱者亦深以為憾本志就聞見所及撮要補出以備一縣掌故然時久事湮所得者不過千百中之十一耳

(四) 乾隆志卷首有南汝光道任崔知州馮張四序文而萬曆志之楊劉兩序順治志之賈序則附於藝文志中今一仍其例卷首第載本志序文將任崔馮張等七序載於藝文志之文徵中至賢嶺松風瀨河泛月申塔朝暉奎樓晚照龍潭瀑布雷沼噴雲龜山晴雪長臺古渡八景圖藻

繪山川無關宏旨均刪去之以昭本色

(五) 乾隆志志天文沿用各縣志星野之說爲識者所病本志徵引漢唐各家星土封域之辨以宋儒諸說糾正之復爲考證晷度地方時氣候與農家占候要不失爲信陽之天文而已

(六) 本志志輿地沿革疆域形勝古蹟諸目均仍乾隆志之舊山則志其脈絡川則志其源流視乾隆志特加詳焉金石未能自成一門與地質亦一併附入至縣境圖分區圖聘專門測繪人員用科學最新方法製版精印足裨實用若夫集市村墟之坐落山川道里之距離疆界隸屬之出入一時限於財力未能實地測勘欲求精確仍當俟之異日

(七) 乾隆志志建置共城池公署學宮祠壇書院街坊鄉村集舖關梁寺觀倉廩郵政郵政營房十四目大抵彙載營繕之事本志事以類分範圍加廣依中央官制改建置爲建設除書院劃歸教育倉廩郵政劃歸民政屬於舊者城池公署學宮動封祠壇寺觀六目爲一卷街坊區保鄉村店舖寨堡關梁驛站即郵政營墩六目爲一卷屬於新者水利交通實業三目爲一卷地方之盛衰民生之苦樂政治之良窳國家之治亂亦略具於此矣

重修信陽縣志卷首

凡例

一一

(八) 一縣之政其安危利害最切於民者莫如警察保甲保安隊壯丁隊烟禁振卹倉廩自治議會地方慈善公益等事本志遵國家民政設官之旨增民政一門按其職制分類編次既足以補乾隆志所未備亦略見國家行政統系也

(九) 乾隆志志食貨編次凌雜項目混淆閱者惜焉本志以類次之曰戶口曰田賦曰地丁項下支解款額附有清一代驛站經費及徵糧積弊曰雜稅曰民國十三年前縣地方款之支出曰民國二十二年地方款全年收支曰地方款之管理曰差徭曰鹽政曰貨幣曰銀行曰農村經濟曰物產共爲三卷分別清釐務求昭晰令後來一目瞭然整理易於著手

(十) 教育者立國之本一縣之文野係焉乾隆志於教育不立專門但存儒學學校之名未免失之簡陋本志特設專編推原國學鄉學書院學官制度之沿革及近年勸學所教育局教育會縣視學等種種設施與城鄉男女中小各學校而教育款產亦各以次附焉此固國家文化作育之資亦吾縣人士自奮之地也

(十一) 化民成俗典禮爲先乾隆志於典禮詳矣備矣民國既興未遑制作古

代禮樂半卽淪亡論者憾焉本志於祭丁大典及廟壇羣祀與鐸教迎春耕藉鄉飲諸端所以昭示崇德報功敬教勸學者均撮要登載令後人數典無忘以爲異日規復之張本其關於俗習者如冠婚喪祭歲時儀節方言宗教亦並以次及之以定民志以正民風亦古今有國者不易之常經也

(三) 信陽地當南北之衝改革之際兵事輳焉乾隆志向無兵事但以武備附官師後闕略甚矣本志特設兵事一門凡自有史以來涉及信陽之大兵役無不載之而事愈近者文亦加詳焉後並詳及明清以來綠營衛所軍屯民寨民兵及守望社警備隊巡緝隊武裝警察隊民團保衛團保安隊等歷代地方兵制亦可以觀焉

(四) 畫疆以域民設官以治民古之制也信陽自有縣以來職官衆矣宋元以前世遠年湮流傳甚鮮但就其見於羣籍者披揀登錄故所志亦僅自明以後則見聞較近姓名籍貫較爲詳實惟年代先後頗多失其次者典籍亡則徵信難也其善政流風嘖嘖人口及事實散見於殘碑斷碣者功德在民未可聽其湮沒並遵乾隆志例立宦績傳所得共若干人甘棠蒞蔽詩美召公枯竹重生人思寇準百世之下或有聞風興起

重修信陽縣志卷首

凡例

三

者乎

(五) 乾隆志志選舉惟薦舉進士舉人貢監武舉五項晚近以來職事日繁用人之途亦日廣此自時變爲之編輯不容或略本志特用收零作整之法分類排比易選舉曰登庸取其包括較寬各列爲表不獨便於瀏覽亦可以節省篇幅也

(六) 信陽人物山川之鍾毓國家之培植亦云衆矣今一依乾隆志例分類作傳傳不及收者分註梗概於登庸志下生者例惟具名爵而已至列女則分節孝未婚節婦貞烈婦賢慧孝婦義婦烈女貞女孝女義女才女女壽等以表收之視乾隆志爲廣其事實多者亦酌予立傳一以申男女同等之義一以示閩閩制行之準也

(七) 藝文者一縣文化之表著乾隆志所錄詩文富矣而體例則非本志一遵漢書例凡前人著作第分別依經史子集類詳載書名及其序文而另置文徵一卷以邑人應存之詩文纂入內篇通以已逝者爲限若出自客籍吟撰有關於本邑典章風化人物者亦擇尤登載外篇用資考證特是文徵之上選重在事與人而文章次之例如志去思表幽潛述掌故記土木或爲他門所不載或爲異世所弗知存其文所以存其事

也又如著述本非名家姓氏未嘗別見錄其一辭一藝便可不至湮沒存其文所以存其人也若非此類而屬在泛常無關宏旨者偶一及之聊以備考文之一格焉耳如乾隆志之有詩餘是也

(七) 大事一記卷其事固不屬於各門然如交涉如黨務如天災人變於地方確有利害安危之關係事實所在未可遺忘記之所以備掌故供考鏡至於雜錄雖稍近瑣屑要以足資勸懲爲歸亦禹鑄鼎溫然犀意也

(六) 此次重修縣志適當時局倏擾之會自二十二年五月授簡至次年六月脫稿費紕時促應付頗苦手與心違間多草率雖博考旁稽力求詳瞻而識力有限實不敢自謂完書修飾潤色使之盡美盡善不能不有待於踵事之後賢也文獻存亡邑人均與有責所望繼此而起者每閱三十年卽予續修一次幸毋視爲官樣文章任令久經曠置

(五) 此次重修縣志參考之書如十三經注疏廿四史九通圖書集成皇朝會典事例一統志方輿紀要四部叢刊約百數十種各門徵引昕夕檢閱倉卒間多有未註明來歷者疏忽之咎知所不免閱者諒之

(四) 信陽重修縣志之舉民國初年雖經籌備兩次皆以時局關係半途輟業此次重修例多創始事仍續前累集衆長方收成效計自始事以至

### 重修信陽縣志卷首

凡例

四

終局材料之供給出自新輯者固多得自舊采者亦復不少均之具有成勞安敢獨掠衆美爰將前兩次籌備暨此次任事人員姓名分別登載編首亦可見地方急公之多材也

(三) 此次重修縣志用款除編輯人員概屬義務外合採訪事務繕寫三部共支銀  
元並報縣備案以重公帑其概算表附入大事記  
雜錄後俾衆周知



重修信陽縣志卷一天文

天文志

乾隆志志天文根據漢地理志謂信陽係軫宿分野以漢之江夏言之也又參用唐書天文志謂信陽屬壽星以唐之申州言之也其說荒矣疏矣夫周禮保章氏以星土辨九州之地所封封域皆有分星以觀妖祥並未言所辨何星亦未言五星二十八宿全數分配於中國九州封域之內也若如鄭氏言以十二邦繫十二次是必五星二十八宿其躔次獨布於中國境內之天象而後可又必九州以外更無其他異域而後可後儒駁之固宜詳錄諸說可知抱拘墟篤時之見者未足與窺蒼蒼之表也今第測之以晷度準之以地方時驗之以氣候參之以農家占候則布度分宮仰觀焉而信陽於天文上之位置確乎不可移易矣志天文

星野諸說 晷度 地方時 氣候 農家占候